

## MERFYN FRYCH (bu farw 844), brenin Gwynedd

**Enw:** Merfyn Frych

**Dyddiad marw:** 844

**Priod:** Nest ferch Cadell ap Brochwel

**Plentyn:** Rhodri Mawr

**Rhiant:** Esyllt ferch Cynan Dindaethwy

**Rhiant:** Gwriad

**Rhyw:** Gwryw

**Galwedigaeth:** brenin Gwynedd

**Maes gweithgaredd:** Gwleidyddiaeth a Mudiadau Gwleidyddol; Teuluoedd Brenhinol a Bonheddig

**Awdur:** Thomas Jones Pierce

mab Gwriad, pennaeth yn Ynys Manaw (y mae'n bosibl) ac yn disgyn (meddid) o [Lywarch Hen](#), ac Ethyllt, tywysoges o Wynedd. Pan fu farw [Hywel ap Rhodri Molwynog](#), ewythr ei fam, yn 825, daeth Merfyn Frych yn frenin ym Môn; yn ddiweddarach, pan fu Hywel ap Caradog farw, ymddengys iddo ddyfod yn frenin cantrefi yr ochr arall i afon Menai. Adunwyd felly etifeddiaethau disgynyddion uniongyrchol diwethaf llinach [Cunedda Wledig](#) yng Ngwynedd. Priododd Nest, merch Cadell ap Brochwel, Powys; mab iddynt oedd [Rhodri Mawr](#).

### Awdur

Yr Athro Thomas Jones Pierce, (1905 - 1964)

### Ffynonellau

J. E. Lloyd, *A History of Wales from the Earliest Times to the Edwardian Conquest* (London 1911), Cyf. I

J. E. Lloyd, *A History of Wales from the Earliest Times to the Edwardian Conquest* (London 1911), Cyf. II

### Darllen Pellach

Erthygl Wicipedia: [Merfyn Frych](#)

### Dolenni Ychwanegol

Wikidata: [Q886414](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

